



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1595. usque ad annum 1600

Fleury, Claude

August. Vind. [u.a.], 1773

VD18 90118677

§. 56. Ariæ Montani obitus.

[urn:nbn:de:hbz:466:1-67263](https://nbn-resolving.org/urn:nbn:de:hbz:466:1-67263)

§. LVI.

Ariæ Montani obitus.

Sæcul.XVI.
A.C.1598.

Hoc item anno Respublica literaria plurium Scriptorum jacturam deplorabat, quos inter primus erat Benedictus Arias Montanus natione Hispanus Frexevalli in Pax-augustana Diocesi natus, qui Hispali a parentibus generis quidem nobilitate illustribus, factum tamen paritate pressis educationis Hispalensium Procerum subsidio liberaliter omni scientiarum genere imbuebatur, nam Complutum profectus non modo Theologiæ, sed etiam Græcæ, Hebraicæ, Chaldaicæ, Syriacæ, & Arabicæ linguæ cum insigni profectu operam dabat; cum vero hæc scientiarum ubertas nondum ingenii ejus vastitatem fatiaret, Italiam, Gallias, Germaniam, Belgium, & Angliam percurrebat, ut horum quoque idiomatum peritiam acquireret: postea sacræ militiæ nomen dare constituens, & sacerdotio initiatus in Ordinem sacræ militiæ sancti Jacobi cooptabatur, simulque Hispalensem Antistitem ad Synodum Tridentinam comitabatur, ubi ingens sibi nomen comparabat, inde vero reversus, atque Aracenzæ in Vandalitia commoratus totum sese studiis impendit, e sua tamen solitudine evocabatur a Philippo III. Hispaniarum

Thu. l. 120.
Hist. Geogr.
Lexicon.
Verbo Arias.
Miræus de
script. Sæc.
XVI.
Possev. ap-
par. & Bibl.
l. 2.

Sæcul. XVI.

A.C. 1598.

niarum Rege: cum enim hic Princeps Complutensium Bibliorum a Francisco Ximeno Toletano Archiepiscopo, Cardinali editorum non minus utilitatem, quam exemplarium paucitatem, raritatemque consideraret, hinc eadem Biblia linguarum diversitate aucta, magisque locupletata iterato prælo Antverpiæ subjicere statuit, hujusque operis curam Ariæ Montani commisit, quem cum regio diplomate ad Belgas contendente Albæ Ducis Belgii Governatori, necnon Antverpiensi Magistratui die vigesima quinta Martii anno millesimo quingentesimo sexagesimo octavo plurimum commendabat, necnon Plantinum Typographum ad maturandum hujus operis prælum urgebat: præterea Pius V. Pontifex comperto hoc Regis consilio Legatum ad Albæ Ducem decernebat et flagitans, ut Ariam, omnesque hujus editionis promotores suo assensu, & auxilio foveret. Arias operi manum admoturus die vigesima tertia Maji anno millesimo quingentesimo sexagesimo octavo apud Lovaniensem Academiam legationis suæ causam exponebat, ac hocce Doctores rogabat, ut ei hac in re omnem operam, ac diligentiam præstare velint, qui etiam hunc Theologum tam liberaliter excipiebant, ut ipsemet Rex die decima

Sæcul. XVI.
A.C. 1598.

cima quarta Septembris datis literis hu-
jus Academiae Doctoribus grates repen-
deret. Postea Arrias Spinosa, Granvel-
lani, & Sirleti Cardinalium, Andreæ
Masii Bruxellensis, aliorumque Docto-
rum opera adjutus per integros quatuor
annos a decima quinta, qua in Belgium
venit, Maji die anni millesimi quingen-
tesimi sexagesimi octavi usque ad ulti-
mam Martii diem anni septuagesimi se-
cundi huic labori operam impendit, &
sacra Biblia, quæ vulgo regia dicuntur,
Hebraica, Græca, & Latina lingua ex
Complutensi exemplari cum integra Pa-
raphrasi Chaldaica, nec non novum Te-
stamentum Græco, Latino, & Syriaco
idiomate octo tomis comprehensum con-
cinnabat, quo opere feliciter absoluto a
Philippo Rege Catholico Romam con-
tendere jubebatur, ut primum horum
Bibliorum exemplar Gregorio XIII. tum
summo Pontifici offerret, quod idem Pa-
pa gratanter accipiens, tantam gloriam
Regi die vigesima tertia Augusti anno
millesimo quingentesimo septuagesimo
secundo datis ad eundem literis non
modo gratulabatur, sed hoc opus Con-
stitutione die prima Septembris eodem
anno edita comprobabat, necnon Ariam
Montanum cum literis commendatitiis
die vigesima quinta Octobris ad Regem
remittebat, cui etiam reduci Philippus

Hist. Eccles. Tom. LII.

C c i a

Sæcul. XVI.
A.C. 1598.

in tanti laboris præmium Episcopalem sedem obtulerat, quam tamen gratiam cum humilis vir acceptare renueret, regie bibliothecæ ad S. Laurentium in Escoriali præficietur. Arrias ab æmulo suis, præcipue vero a Leone Castrejo qui de septuaginta Interpretibus commentarium scripsit, tam graviter vexabatur, ut ad dicendam causam Romam contendere cogeretur, inde vero revertens in Vandalitiam secessit, atque sacrorum librorum lectioni, & lucubrationi intentus Hispali, in Equitum sancti Jacobi Collegio, cujus alumnus erat, die prima Junii juxta Nicolai Antonii relationem, seu die sexta Julii juxta aliorum narrationem, anno ætatis suæ septuagesimo primo pie decessit. Scripsit præterea elucidationes in Evangelia, Acta Apostolorum, Epistolas Divi Pauli, Apocalypsin, in duodecim Prophetas, & triginta primos Psalmos, necnon in Hebraicam præter antiquitatum Judaicarum libros novem, pluresque alios Commentarios quorum indicem exhibet Posssevinus in suo apparatu sacro.

§. LVII.

Abrahami Ortelii fata.

Miræus l. c. Eodem pene mense, ut scribit Miræus, p. 243. & decessit Abrahamus Ortelius Antverp. Montano admodum familiaris Antverp. 248. piz